

# **REFERAT MIA - Meeqqanut Ilaqutariinnullu Ataatsimiititaq d. 05-11-2020**

**Mødedato** Torsdag d. 05. november 2020 kl. 18:00

**Mødested** Ataatsimiittarfik 1, rådhus

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Nakkutilliinermiit nalunaarusiaq.....	7
Tasiilami sulianik kukkunersuineq.....	10
Aalajangiiffissat.....	13
2021-mi politikkikkut ataatsimiiffissat.....	14
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu ii	17
Meeqqanut Ilaqtariinnullu Ataatsimiititap angalaneranit nalunaarusiaq.....	18
Inunnik innarluutilinnut suliaasaqarfimmi saaffiginniffik ataaseq pillugu misissuineq.....	21
Piginnaatitsinermik agguataarinissamut pilersaarut.....	25
Taasariaqartut allat.....	28
Lukket.....	29
Lukket.....	30
Lukket.....	31
Imaqarniliap akuerineqarnera.....	32

## **Punkt 0: Saqqaa**

Uju Petersen (IA), siulittaasoq.

Storm Ludvigsen (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

### **Beslutning**

Ataatsimeeqataasut: Uju Petersen, Inge Olsvig Brandt, Storm Ludvigsen, Ane Egede Mathæussen

Oqarasuaatikkut: Knud Mathiassen

## **Punkt 1: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput

## **Punkt 2: Nalunaarutit**

2a. Siulittaasumit nalunaarutit

2b. Ingerlatsivimmit nalunaarutit

### **Beslutning**

2a.

Martha Lund Olsen 11. novembarip tungaanut sulinngiffeqarpoq.

2b.

1. Ingerlatsivimmi oqartussaaffeqarfik allaffissornermi tunngavissaq pillugu ullormi immikkut sammisaqartinneqarpoq, tassani siunertaalluni pisariinnerusumik qanoq suleriaaseqarsinnaanersugut

2. Ingerlatsiviup isumaginninneq pillugu politikki atuutilersikkiartorlugu aallartippoq, immikkoortorta qarfinni eqqartueqatigiinnerit ingerlapput

3. Tasiilami Fagchef Lene Warwick 1. januaarimi 2021-mi atorfimminiit soraarniuteqarpoq. Ajoraluartumillu aamma sullissisut arlallit soraarniuteqareerlutik, taamaalilluni Tasiilami sulisutigut kingumut unammilligassaqalerpugut

4. Nuummi inuusuttut akornanni pinerlunniartarnermut tunngatillugu suliniarnermik killiffik

## **Punkt 3: Ilisimatitsissutit**

## **Punkt 03A: Nakkutilliinermiit nalunaarusiaq**

### **Beslutning**

Ilisimatitsissut tusaatitut tiguneqarpoq

### **Bilag**

Inaarutaasumik nakkutilliinermiit nalunaarusiaq Ittoqqortoormiit juni 2020.pdf

## **Nakkutilliinermi nalunaarusiaq**

Ittoqqortoormiit juuni 2020

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

### **Suliassamik eqikkaaneq**

Meeqqanut Ilaqutariinnullu Ingerlatsivimmit Meeqqanut Ilaqutariinnullu Ataatsimiititamat Ittoqqortoormiini tamakkiisumik nakkutilliartorneq pisimasoq ilisimatitsissutigineqarpoq. Nakkutilliineq Isumaginninnermut, Ilaqutariinnut Inatsisinillu Atuutsitsinnermut Naalakkersuisoqarfimmi Nakkutilliinermik Ingerlatsivimmit piffissami 9. juuni - 18. juuni 2020-mi ingerlanneqarpoq. Matumani nakkutilliinermi ulloq unnuarlu paaqqinnittarfinni meeqqat inuusuttullu inissinneqarsimasut immikkut sammineqarput.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Nakkutilliinermi Ingerlatsivik nakkutilliartorneq atavillugu apersuinnermut skemat atorlugit Ittoqqortoormiini kommunimi sulisumik, Nuummi qitiusumik ingerlatsivimmi aqutsisunik kiisalu suleqataasunik assigiinngitsunik apersuinikkut paasissutissanik pissarsipput. Taamatuttaaq Nakkutilliinermik Ingerlatsiviup illoqarfimmi ingerlatsivimmi inissinernut tunngasut suliat sisamat aalajangersimasut misissorpaat. Nakkutilliinermi Ingerlatsivimmit suliani sisamaasuni malitseqartitsinissaq siunertaralugu ulloq unnuarlu paaqqinnittarfinni inissineq pillugu allattuisussaataaneq, iliuusissanik pilersaarutit kiisalu inissinneqarsimasut meeqqat angajoqqaavinut attaveqartarnermut tunngatillugu malinnittoqarsimangitsoq paasineqarpoq.

Nakkutilliinermi Ingerlatsivimmit suliassaqarfiit assigiinngitsut akomanni suleqatigiinnermut atavillugu nipangiusimasartaatitaanermik malinninniarnermik, suliat nutarterneqarnek ajornerinik kiisalu winformatik-imi nutaanik nalunaarsuisarnermut tunngatillugu kiisalu uppernarsaatit amigaateqartarneri pillugit ajornartorsiuteqartoq uparuarneqarpoq. Meeqqanut ulloq unnuarlu paaqqinnittarfinni inissinneqartunut tunngatillugu killiffinnut nalunaarutit katsorsaanissamullu pilersaarutit tamarmik pigineqarput, taamaattorli sisamaasunit marluk isumaginninnermut misissuinerit amigaataapput. Tamatuma saniatigut Nakkutilliinermi Ingerlatsivik paasitneqarsimavoq inuit namminneq aqqissuussaannik ilaqutariit paarsisartut tallimaasut, taakkulu ingerlatsivimmit akuerineqanngitsumik aqqissuussaasut. Tamatuma saniatigut Nakkutilliinermi Ingerlatsivimmit isumaginnikkut pigaartuusup aggersarneqarneranut atavillugu paasissutissanik allattukkanillu peqanngitsoq paasineqarpoq.

Ilimasaarereerluni nakkutilliineq toqqammavigalugu Nakkutilliinermi Ingerlatsivik arlalinnik inassuteqaateqarpoq. Inassuteqaatit eqikkaarneqarneri nakkutilliinermut atavillugu nalunaarusiami immikkoortoq 2-mi allassimapput. Nalunaarusiami paasissutissat pillugit nakkutilliinermut atavillugu nalunaarusiaq kommunimut tusarniaassutigineqarpoq. Oqaaseqaatit taakku immikkoortoq 7.1.-imi allassimapput.

#### **Aaqqiissutissatut siunnersuut – suliatigut naliliineq**

Meeqqanut Ilaqutariinnullu Ingerlatsivimmit Nakkutilliinermi Ingerlatsiviup inassuteqaatai pissutsillu taakkartorneqartut malitseqartinniarlugit iliuuseqarfigineqarnissai siunniunneqarpoq. Immikkoortut kommunimit malitseqartinneqartussat nakkutilliinermut atatillugu nalunaarusiami immikkoortoq 7-imiipput.

#### **Aningaasatigut sulisoqarnikkullu naliliinerit**

Soqanngilaq

#### **Inatsisitigut tunngavissaq allakkallu tunngaviumik uppersaateqarpoq**

- Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq, § 27 aamma § 28 imm.

#### **Ingerlariaqqinnissaq**

Nakkutilliineq pillugu nalunaarusiaq tamanut saqqummiunneqareerpoq, naalakkersuisut.gl-imilu takuneqarsinnaavoq.

Kommunimit ajornartorsiuutit tulliuttut pillugit malitseqartitsinissaq ersarinnerusumillu paasiniaanissaq siunertaralugu Ittoqqortoormiunut angalanissaq siunniunneqarpoq.

- Iliuusissanut pilersaarutinut ilaqutariinnullu attaveqarnissaq pillugu malitseqartitsineq
- Isumaginninnermi pigaartumut tunngatillugu uppersaateqarneq
- Inuit namminneq aaqqiissuussaannik ilaqutariit paarsisartut

Isumaginninnermi suliassaqarfimmi nakkutilliisarneq pillugu Namminersorlutik Oqartussat nalunaarutaanni §8, imm. 5 malillugu nakkutilliinermi inaarutaasumik nalunaarusiap nassiunneqarneraniit qaammatit marluk qaangiunnerini kommunip pissutsit nakkutilliinermi nalunaarusiami uparuaassutigineqartut iluarsiiiffiginiarlugit kommune qanoq iliorniarnini pillugu Nakkutilliinermik Ingerlatsivimmut allakkatigut nalunaarusiussaaq.

Commented [MH1]: Frit efter inatsit nr. 30, 20.dec.2019

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

#### **Innuttaasunik peqataatitsineq/attaveqatigiinneq**

Soqanngilaq

#### **Ingerlatsivinnit allaniit oqaaseqaatigineqartut**

Ingerlatsivinnit allanit oqaaseqartitsiniartoqanngilaq.

#### **Ilangussat**

1. Inaarutaasumik nakkutilliinermi nalunaarusiaq Ittoqqortoormiit juni 2020

## **Punkt 03B: Tasiilami sulianik kukkuniuineq**

### **Beslutning**

Ilisimatitsissut tusaatitut tiguneqarpoq

### **Bilag**

Bilag 1 - Deloitte Rapport.docx

## **Tasiilami sulianik kukkundersiuneq**

Deloitte-p Tasiilami isumaginninnermut tunngasunik sulianik kukkundersiunera

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

### **Suliassamik eqikkaaneq**

Deloitte ulluni 6.-15. juuni Tasiilamiippoq, tassani Isumaginnittoqarfimmi, Majoriami kiisalu Meeqqanut Ilaqutariinnullu Ingerlatsivimmi sulianik suliaqartarneq misissuiffigalugit.

Suliami saqqummiussinnermi matumani Meeqqanut Ilaqutariinnullu tunngasuni inerniliussat kiisalu taakkununga attuumassuteqartunik innersuussutit kisimik takuneqarsinnaapput.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- Ilisimatitsissut tusaatissatut tiguneqassasoq

### **Suliassamik saqqummiussineq**

Sulianik misissuineq 2019-imi aamma 2020-mi suliaasimasunik tigulaaraluni pivoq. Meeqqanut Ilaqutariinnermullu tunngasunik suliaqartarneq uku atorlugit ingerlasarpoq, Winformatik, SBSYS aamma AX Prisme (aningaasaqarneq).

Maluginiarneqarpoq, Meeqqanut Ilaqutariinnullu tunngasuni ataatsimut isigalugu pitsanngorsaaniarluni sulissuteqartoqartoq. Isumaginninnermi misissuinerit amerlanerulersimasut, malinnaaffiginninnerit annertunerulersimasut angajoqqaanillu suleqatiginninnerit maluginiarneqarpoq. Suliani amigaatigineqarnerusoq tassaavoq meeqqanik oqaloqatiginnittarneq.

Angajoqqaarsialerisoqarfik pitsanngorsagassaasoq kukkundersiunerimi maluginiarneqarpoq. Ilaqutariit paarsisartut pillugit nalunaarutip atuutilersinneqarnissaa immikkoortumillu nakkutilliisarnissaq sulissutigineqarput. Kikkut meeqqanut sullissisuunersut aamma angajoqqaarsianut kikkut sullissisuunersut ersarinnerulersinneqassaaq. Meeqqat 18-it sinnerlugit ukiullit angajoqqaarsiani najugaqartut suliniuteqareernerup kingorna malinnaavigineqarnissaannut pilersaarusiunneqassapput.

Ataatsimut isigalugu Tasiilami isumaginninnermut tunngasut tamakkerlugit pisortat nakkutilliisarnearanni aaqqissuussaqaaranilu takussutissaqartoqanngilaq.

Maluginiarneqarpoq, innuttaasunut tunngasuni suliani allattuisussaataaernerup eqqortinneqarnissaa pikkoriffigineqarnerulersimasoq.

Matuma siuliini taaneqartut tunngavigalugit Tasiilami Meeqqanut Ilaqutariinnullu Immikkoortortami sulianik kukkundersiunerimi Deloitte imaattunik innersuussuteqarpoq:

- Pisortat nakkutilliineranik atuutilersitsineq
- Innuttaasunut taakkununga tunngasunik sulianut akuutitsineruneq.

- Innuttaasut inatsisitigut illersugaanissaat qulakkeerniarlugu allattuisussaaitaanermik aaqqissuussaasumik ingerlatsineq
- Tasiilami suleqatissaqarnermik pilersitsineq, tassani siunertaassalluni isumaginninnermut tunngasuni suliaasaqarfiit akornanni pitsaanerusumik ataqaatigiissarineq, suleqatigininneq periusissaqarnissarlu
- Angajoqqaarsianik nalilersuinissamut aamma suliaasaqarfimmik nakkutilliinissamik nalunaarut piffissamik pilersaarut ersarisoq. Suliassamik isumaginninnerup Nuummi aqutsisunit imaluunniit illoqarfiup avataaneersunit siunnersortinit ingerlanneqarnissaa innersuussutigineqarpoq.
- Angajoqqaarsialerisartuni kontulersuinissamut malittarisassat malinneqartariaqarput, taamaalilluni paarsinermusiat meeqqamut tunngasuni kontulersorneqarsinnaaqqullugit.

*Aaqqiissutissatut siunnersuut – suliatigut naliliineq*

Deloitte-mit innersuussutit ingerlatsivimmit taperserneqarput, timitaliinissarlu ingerlaavartumik sulissutiginiarlugu.

*Aningaasatigut sulisoqarnikkullu naliliinerit*

Soqanngilaq

*Inatsisitigut tunngavissaq allakkallu tunngaviusumik uppernarsaatitalit*

- o Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq, kap. 3.

*Ingerlariaqqinnissaq*

Ingerlatsiviup Deloitte-mit innersuutit tusaatissatut tiguai.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

**Innuttaasunik peqataatitsineq/attaveqaqatigiinneq**

Soqanngilaq

**Ingerlatsivinnit allaniit oqaaseqaatigineqartut**

Ingerlatsivinnit allaniit oqaaseqartitsiniartoqanngilaq

**Ilanngussat**

1. Deloitte: "Tasiilami suliamik kukkundersiuneq", 25. septembari 2020

## **Punkt 4: Aalajangiiffissat**

## **Punkt 04A: 2021-mi politikkikkut ataatsimiiffissat**

### **Beslutning**

Inassuteqaat akuerineqarpoq

### **Bilag**

Mulighed 2.xlsx

## 2021-mi politikkikkut ataatsimiiffissat (januaarimiit-marsimut)

Aalajangiiffigisassaq

J.nr.: 01.01.01

Suliffeqarfimmur Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

Matumani 2021-mi politikkikkut ataatsimiiffissat 2021-mi januaarimiit marsimut atuuppoq, 2021-mi aprillip arfernani kommuninut qinersisoqartussaammat. Aningaasaqarnermut Inuussutissarsionermullu Ataatsimiititami inissitsiterluni ataatsimiinnermi ukiup sinnerani politikkikkut ataatsimiiffissatut siunnersuutit saqqummiunneqassapput.

### **Inassuteqaat**

Suliffeqarfimmur Kiffartuussiviup Meeqqanut Ilaqutariinnullu Ataatsimiititamat inassuteqaatigaa:

- Meeqqanut Ilaqutariinnullu Ataatsimiititamat politikkikkut ataatsimiiffissat akuerineqassasut

### **Suliassamik saqqummiussineq**

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

### **Aaqqiissutissatut siunnersuut – suliatigut naliliineq**

Matumani 2021-mi politikkikkut ataatsimiiffissat 2021-mi januaarimiit marsimut atuuppoq, 2021-mi aprillip arfernani kommuninut qinersisoqartussaammat. Aningaasaqarnermut Inuussutissarsionermullu Ataatsimiititami inissitsiterluni ataatsimiinnermi ukiup sinnerani politikkikkut ataatsimiiffissatut siunnersuutit saqqummiunneqassapput.

Meeqqanut Ilaqutariinnullu Ataatsimiititaq marloriarluni ataatsimiittassaaq, Kommunalbestyrelsip ataatsimiinnissai, sulingiffeqarnerit nalliuttullu eqqarsaatigalugit.

Meeqqanut Ilaqutariinnullu Ataatsimiititap sisamanngornikkut nal. 14.00 ataatsimiittarnissaa siunnersuutigineqarpoq.

### **Aningaasatigut sulisoqarnikkullu naliliinerit**

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### **Inatsisitigut tunngavissaq allakkallu tunngaviusumik uppersaatitallit**

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### **Ingerlariaqqinnissaq:**

2021-mi politikkikkut ataatsimiiffissat Naalakkersuisunut nassiunneqassapput (ilanngussaq 1 takuuk).

## **Aningaasaqarnermut Allatseqarfimmit oqaaseqaatit**

Pingaaruteqanngilaq.

## **Innuttaasunik peqataatitsineq/attaveqaqatigiinneq**

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. 2021-mi politikkikkut ataatsimiiffissat (ilangussaq 1) aamma kommunip allaffeqarfiata immikkoortortaani pissarsiarineqarsinnaassapput.

## **Ingerlatsivinnit allaniit oqaaseqaatigineqartut**

Ingerlatsivinnit allanit oqaaseqaateqartitsisoqanngilaq.

## **Ilangussat**

1. 2021-mi politikkikkut ataatsimiiffissatut siunnersuutit

**Punkt 5: Suliat Aningaasaqarnermut Inuussutissaqarnermullu  
Ataatsimiititamut Kommunalbestyrelsimullu ingerlateqqitassat**

## **Punkt 05A: Meeqqanut Ilaqutariinnullu Ataatsimiititap angalanerani nalunaarusiaq**

### **Beslutning**

Inassuseqaat akuerineqarpoq

### **Bilag**

Rejserapport KAL.doc

## **Meeqqanut Ilaqutariinnullu Ataatsimiititap angalaneranit nalunaarussiaq**

Qeqertarsuaq, Ilulissat aamma Aasiaat septembari 2020.

Aalajangiiffigisassaq

J.nr.: 01.02

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

### **Suliassamik eqikkaaneq**

Meeqqanut Ilaqutariinnullu Ataatsimiititap 2020-mi 8. septembarimiit 12. septembarimut Qeqertarsuarmut, Ilulissanut Aasiannullu ataatsimiititap angalavoq. Meeqqanut Ilaqutariinnullu Ataatsimiititap akisussaaffeqarfiata iluaniittut annerusumik qitiutillugit Ataatsimiititap angalanermini Kommune Qeqertalimmi Avannaatalu Kommuniani paasisassarsiornermik misilittagaannillu aallerfiginissaannik siunertaqarpoq.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- angalanermit nalunaarussiaq akuersissutigineqassasoq
- angalanermit nalunaarussiaq inaarutaasumik akuersissutigisassanngorlugu Aningaasaqarnermut Inuusutissarsiornermullu Ataatsimiititamut ingerlateqqinneqassasoq

### **Suliassamik saqqummiussineq**

Meeqqanut Ilaqutariinnullu Ataatsimiititap 2020-mi 8. septembarimiit 12. septembarimut Qeqertarsuarmut, Ilulissanut Aasiannullu ataatsimiititap angalavoq. Meeqqanut Ilaqutariinnullu Ataatsimiititap akisussaaffeqarfiata iluaniittut annerusumik qitiutillugit Ataatsimiititap angalanermini Kommune Qeqertalimmi Avannaatalu Kommuniani paasisassarsiornermik misilittagaannillu aallerfiginissaannik siunertaqarpoq.

Meeqqanut Ilaqutariinnullu Ataatsimiititamit Uju Petersen (siulittaasoq), Ane Egede Mathæussen (ilaasortaq) aamma Inge Olsvig Brandt (ilaasortaq) peqataapput.

Meeqqanut Ilaqutariinnullu Ingerlatsivimmit Pitsaaliuinermit immikkoortortaqqarfimmit immikkoortortaqqarfimmi aqutsisoq, Gerda Fleischer, peqataavoq. Tamatuma saniatigut allaffeqarfimmit Misu Benjaminsen (AC fuldmægtig) peqataavoq.

Angalanermit ataatsimiititap Kommune Qeqertalimmi ataatsimiititaliaq "INUIT" ullup qeqasioqatigaa, Kommune Qeqertalimmi borgmesteri peqatigalugu, tassanilu Kommune Qeqertalimmiit oqaluttuarineqarpoq kommunip aqqissuussaana, suleriaatsit taakkunungalu tunuliaqutaasut. Aamma ataatsimiititap ataatsimeeqatigaa llinniarnermut Ingerlatsivik aammalu Avannaata Kommuniani ilaqutariinnut fagchefeugallartoq, tassanilu kommunip aqqissuussaana saqqummiunneqarpoq, aammalu ilisimasaniq misilittakkanillu avitseqatigiittoqarluni. Aamma ataatsimiititap ataatsimeeqatigaa Qeqertarsuarmi Sullissiveqarfimmi aqutsisoq, tassanilu Qeqertarsuarmi kommunalbestyrelsimut ilaasortaq ataaseq peqataavoq.

Tamatuma saniatigut nuna tamakkerlugu qimarnguiit "Illernit" pulaarpaat aammalu Avannaata kommuniani Kommune Qeqertalimmi kommunip suliffeqarfiutai arlallit pulaarlugit.

*Aaqqiissutissatut siunnersuut – suliatiqut naliliineq*

Soqanngilaq

*Aningaasatigut sulisoqarnikkullu naliliinerit*

Soqanngilaq

*Inatsisitigut tunngavissaq allakkallu tunngaviusumik uppermarsaatitallit*

- Ataatsimiititap suleriaasia

*Ingerlariaqqinnissaq*

Meeqqanut Ilaqutariinnullu Ataatsimiititap angalanerminnit paasisatik ataatsimiititami suleriaqqinnerminni atussavaat.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

**Innuttaasunik peqataatitsineq/attaveqaqatigiinneq**

Soqanngilaq

**Ingerlatsivinnit allaniit oqaaseqaatigineqartut**

Oqaaseqaateqanngillat

**Ilanngussat**

1. Meeqqanut Ilaqutariinnullu Ataatsimiititap 2020-mi Qeqertarsuarmut, Ilulissanut Aasiannullu angalaneranit nalunaarussiaq

## **Punkt 05B: Inunnik innarluutilinnut suliassaqarfimmi saaffiginniffik ataaseq pillugu misissuineq**

### **Bilag**

Bilag 1) Notat - Undersøgelse af en-dørs-princip på Handicapområdet (okt 2020) (KAL).pdf

## **Inunnik innarluutilinnut suliassaqarfimmi saaffiginniffik ataaseq pillugu misissuineq**

Ilisimatitsissut

J.nr.: EMN-2020-28620

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

### **Suliassamik eqikkaaneq**

Kommuneqarfik Sermersuumi 2020-mut missingersuutitut isumaqatigiissummi missingersuutit pillugit isumaqatigiissuteqartut inunnik innarluutilinnut suliassaqarfimmi saaffiginniffik ataaseq pillugu periarfissanik misissuinissaq kissaatigaat. Matumani innuttaasut innarluutillit eqqortumik ikiorneqarnissaannut kommunimut ajornanginnerusumik attaveqarsinnaanissaat anguniarneqarnera tunngavigineqarpoq.

Suliffeqarnermut Isumaginninnermullu Ingerlatsivimmit aamma Meeqqanut Atuarfeqarnermullu Ingerlatsivimmit kiisalu Meeqqanut Ilaqutariinnullu Ingerlatsivimmit sinniisoqarluni suleqatigiissitap suliaq misissorpaat. Suliap ingerlanneqarnerani Inuit innarluutillit pillugit Siunnersuisoqatigiit peqataatinneqarputaaq. Suleqatigiissitami immikkoortut marluk pitsanngorsaavigineqarsinnaasut ukkanneqarput, tassa ingerlatsiviit akornanni suleqatigiinneq aamma innuttaasunik attaveqatigiinneq, imalu inerneqarpoq.

Ingerlatsiviit assigiinngitsut akornanni suleqatigiinnerup ataqatigiissaarisarnerullu pitsanngorsarneqarnissaat ingerlatiinnassavaat. Pingaartumik innuttaasut innarluutillit allaffissornikkut ingerlatsivimmiit ingerlatsivimmut allamut nuunneqaraangat imaluunniit suliap ataatsip aaqiissutissaa ingerlatsiviit akornanni pigaangat tamanna atuuttarpoq.

Innuttaasunut sammisumut attaveqaaqateqartarnermut tunngatillugu ilaatigut suleqatigiissitap nittartakkap nutaamik eqqarsaatersuutigineqarnissaa aallartisarpaa. Matumani innut innarluutilinnut suliassaqarfik paasititsiniaaneruserumik iserfigiuminarneruserumillu saqqummiunneqartarnissaa siunertaavoq.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqinneqassasoq.

### **Suliassamik saqqummiussineq**

Kommuneqarfik Sermersuumi 2020-mut missingersuutitut isumaqatigiissummi missingersuutit pillugit isumaqatigiissuteqartut inunnik innarluutilinnut suliassaqarfimmi saaffiginniffik ataaseq pillugu periarfissanik misissuinissaq kissaatigaat. Matumani innuttaasut innarluutillit eqqortumik ikiorneqarnissaannut kommunimut ajornanginneruserumik attaveqarsinnaanissaat anguniarneqarnera tunngavigineqarpoq.

Suliffeqarnermut Isumaginninnermullu Ingerlatsivimmit aamma Meeqqanut Atuarfeqarnermullu Ingerlatsivimmit kiisalu Meeqqanut Ilaqutariinnullu Ingerlatsivimmit sinniisoqarluni suleqatigiissitap suliaq misissorpaat. Tamatuma saniatigut suleqatigiissitami suliap ingerlanneqarnerani Inuit innarluutillit pillugit Siunnersuisoqatigiit peqataatinneqarput.

2019-imi ataatsimoorussamik inunnut innarluutilinnut ingerlatsiveqarnissaanut politikerimit siunnersuutip misissornerani inerniliunneqarpoq, taama aningaasanik sulisunillu annertuumik atuilluni aaqqissuusseqqinnissaq unammillernartunut aaqqiissutigissallugu pitsaanerpaanngitsaq, ilaatigut aaqqissuusseqqinnermi immikkoortuni allani akunnerminni attuumassuteqartunut tunngasut arlallit nutaat pilersinneqartariaqarneri pissutigalugit. Taamaattumik suleqatigiissitap inunnut innarluutilinnut susassaqaqfimmi pioreersumi suliniutaasinnaasut pingaarnertut sulissutigaat.

#### *Aaqqiissutissatut siunnersuut – suliatiqut naliliineq*

Suleqatigiissitap immikkoortumi marlunni, tassa ingerlatsiviit akornanni suleqatigiinnermi aamma innuttaasunik attaveqaqateqarnermi, pitsanngoriaataasinnaasut pingaarnertut sulissutiginiarlugit aalajangerpaat.

#### 1) Ingerlatsiviit akornanni suleqatigiinneq

Ingerlatsivimmiit ingerlatsivimmut allamut sulianik tunniussisarnermik ajornartorsiuteqartoqartoq ingerlatsiviit ilisimavaat. Suleqatigiikkuutaat arlallit ingerlatsiviup iluani ingerlatsiviillu akornanni suleqatigiillutillu ataqatigiissaarisartussaapput. Tamanna unammillernartunik pilersitsisarpoq.

Ingerlatsiviit assigiinngitsut akornanni suleqatigiinnerup ataqatigiissaarisarnerullu pitsanngorsarneqarnissaat ingerlatiinnassavaat. Tamanna pingaartumik innuttaasooq innarluutilik allaffissornikkut ingerlatsivimmiit ingerlatsivimmut allamut nuunneqarnerannut tunngasuvoq. Meeqqanut suliassaqaqfimmi meeqqanut innarluutilinnut ikorfartorteqarnissamut akuersissuteqartarneq ingerlatsiviit assigiinngitsut akornanni suliarineqartarpoq, tamannalu pillugu ataavartumik ataqatigiissaarisarnissaq pisariaqartinneqalersarpoq. Tamatuma saniatigut immikkoortoq annertuumik allaffissornikkut eqqumaffigineqarpoq.

#### 2) Innuttaasunut sammisumut attaveqaqateqartarneq

Innuttaasunut sammisumut attaveqaqateqartarnermi, soorlu nittartakkatigut, iluarsaassisoqarsinnaavoq.

Inunnut innarluutilinnut susassaqaqfik paasititsinerusumik erserfigiuminartumillu saqqummiunneqarniassammat nittartagaq pillugu nutaamik eqqarsaatigeqqinneqarnissaanut suliaq suleqatigiissitap aallartippaa. Tamatuma saniatigut nittartakkami paasissutissat assinginik suleqatigiissitaq quppersagaaraliussaaq.

Innuttaasunut paasissutissat pissarsiariuminartuunissai tamakkerlugillu takujuminartuunissai matumani pingaartinneqassaaq. Tamanna attaveqaqatigiittariaatsimut immikkut piumasaaqatitaqarpoq, tassa innuttaasut ilaatigut isigiarsullutillu tusaaniarnermikkut innarluuteqarsinnaammata, tamannalu ingerlatsiviup eqqumaffigaa.

Ajornartorsiutaasut inassuteqaatillu misissorneqartut aamma Kommuneqarfik Sermersuup inuit innarluutillit politikiani aamma inuit innarluutillit pillugit immikkoortumut pilersaarummi pingaartinneqarput.

#### *Aningaasatigut sulisoqarnikkullu naliliinerit*

Soqanngilaq.

#### *Inatsisitigut tunngavissaq allakkallu tunngaviusumik uppernarsaatitallit*

- Inunnut innarluutilinnut politikki
- Inuit innarluutillit pillugit immikkoortumut pilersaarut 2016-2026
- Missingersuutinut isumaqatigiissut 2020

### *Ingerlariaqqinnissaq*

Inuit Innarluutillit pillugit suliassaqarfimmi saaffiginnittarfik ataaseq pillugu misissuineq ingerlatsivinnit naammassisutut isigineqarpoq. Ajornartorsiutit aaqqiissutissatullu iliuitsit taaneqartut ingerlatsivimmit nangillugit suliarineqarput.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

### **Innuttaasunik peqataatitsineq/attaveqaqatigiinneq**

Suleqatigiissitap Innarluutillit pillugit Siunnersuisooqatigiit - kommunimi inunnut innarluutilinnut sinniisuusut - suliap ingerlaneranut akutippai. Tamanna pivoq, suleqatigiissitap isumaliuutiminik aaqqiissutissamillu siunnersuummik Innarluutillit pillugit Siunnersuisooqatigiit ataatsimeeqatiginerani saqqummiinnermini. Innarluutillit pillugit Siunnersuisooqatigiit ilanngussaata allakkiap naammassinissaanut kiisalu nittartakkami innarluutilinnut tunngasut pilersaarutaasumik nutarternissaanut tulluarnerulersitsivoq.

### **Ingerlatsivinnit allaniit oqaaseqaatigineqartut**

Misissuineq ingerlatsiviit pingasut assigiinngitsut akornanni suleqatigiinnikkut pilersinneqarpoq.

### **Ilanngussat**

1. Inuit innarluutillit suliassaqarfimmi saaffiginniffik ataaseq pillugu nassuiaat

## **Punkt 05C: Piginnaatitsinermik agguataarinissamut pilersaarut**

### **Bilag**

Bilag 1.Kompetencefordelingsplan endelige libt\_39889\_KAL.docx

## **Piginnaatitsinermik agguataarinissamut pilersaarut**

Aalajangiiffigisassaq

J.nr.: 00.00.00-A00-1052-18

Suliffeqarfimmi Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Pisortaqatigiit Allatseqarfiata ingerlatsiviit suleqatigalugit pingaarnertut piginnaatitsinermik agguataarinissamut pilersaarut nutarterpaa. Piginnaatitsinermik agguataarinissamut pilersaarummi tamanut atuuttussami takuneqarsinnaavoq, aalajangiisinnaanermut piginnaatitsissutit Kommunalbestyrelsip, ataatsimiititat allaffeqarfimmilu sulisut akornanni qanoq agguataarneqarsimanersut.

Meeqqanut Ilaqutariinnermullu Ataatsimiititaq qinnuigineqarpoq piginnaatitsinermik agguataarinissamut pilersaarummit Meeqqanut Ilaqutariinnermullu Ataatsimiititamut immikkoortoq kisiat isummerfigeqqullugu.

### **Inassuteqaat**

Suliffeqarfimmi Kiffartuussiviup Meeqqanut Ilaqutariinnermullu Ataatsimiititamut inassuteqaatigaa:

- piginnaatitsinermik agguataarinissamut pilersaarut Meeqqanut Ilaqutariinnermullu Ataatsimiititamut tunngasoq akuersissutigineqassasoq
- suliaq Aningaasaqarnermut Inuussutissarsiornermut Ataatsimiititamut Kommunalbestyrelsimullu inaarutaasumik akuersissutigisassanngorlugu ingerlateqqinneqassasoq

### **Suliassamik saqqummiussineq**

Pisortaqatigiit Allatseqarfiata ingerlatsiviit suleqatigalugit pingaarnertut piginnaatitsinermik agguataarinissamut pilersaarut nutarterpaa. Piginnaatitsinermik agguataarinissamut pilersaarummi tamanut atuuttussami takuneqarsinnaavoq, aalajangiisinnaanermut piginnaatitsissutit Kommunalbestyrelsip, ataatsimiititat allaffeqarfimmilu sulisut akornanni qanoq agguataarneqarsimanersut.

Piginnaatitsinermik agguataarinissamut pilersaarummi ingerlatsivinni tamani qinikkanut sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaanerik nalornisoqarsinnaanera pinaveersaartinneqassalluni.

### ***Aaqqiissutissatut siunnersuut – suliatigut naliliineq***

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit sularineqarpoq. Pilersaarut 2020-mi upernaakkut nutarterneqarpoq, aammattaaq pisortat ingerlatsiviillu suleqatigalugit tamanna pivoq.

Piginnaatitsinermik agguataarinermut pilersaarut aalajangiiffigisassat aalajangersimasut tamaasa imarai, kommunalbestyrelsimiinngikkuni imaluunniit Aningaasaqarnermut Inuussutissarsiornermullu Ataatsimiititamut, ataatsimiititanut ataavartunut imaluunniit allaffeqarfimmut suliassanngortinneqarsimasut. Piginnaatitsinermik agguataarinissamut pilersaarummi allaffeqarfiup iluani aalajangiinissamut piginnaatitsissutit agguataarneqarnissaat

malittarisassaliorneqanngilaq. Taamaattumik nammineq ingerlatsiviit iluminni naleqquttunik pilersaarusiortarnissaat sulii pisariaqassaaq.

Kisianni suliit suulluunniit piginnaatitsinermik agguataarineq eqqarsaatiginngikkaluarlugu kommunalbestyrelsimut imaluunniit Aningaasaqarnermut Inuussutissarsiornermullu Ataatsimiititamut aalajangiiffigisassanngorlugit saqqummiunneqartassapput, suliaq pingaaruteqarpat imaluunniit kommunimut tunngaviatigut pingaaruteqarpat imaluunniit immikkut ittunik peqquteqarpat.

Piginnaatitsinermik agguataarinermut pilersaarut suliaasaqarfinnut makkununga agguataagaavoq:

- Ataatsimut isigalugu
- Aningaasaqarneq
- Suliffeqarfimmut Sulisunullu
- Sanarfinermut Avatangiisinullu Ataatsimiititaq
- Meeqqanut Ilaqutariinnullu Ataatsimiititaq
- Meeqqanut Atuarfeqarnermullu Ataatsimiititaq
- Suliffeqarnermut Isumaginninnermullu Ataatsimiititaq

Piginnaatitsinermik agguataarinissamut pilersaarut ataatsimiititani ataavartuni, Aningaasaqarnermut Inuussutissarsiornermullu Ataatsimiititami Kommunalbestyrelsimilu politikikkut oqaluserineqassaaq. Piginnaatitsinermik agguataarinissamut pilersaarut inaarutaasumik akuerineqareerpat aalajangiinissamut piginnaatitsissutit agguataarneri atuutissapput siusinnerusukkat qanorluunniit ittunik aalajangiisoqarsimagaluarpat.

*Aningaasatigut sulisoqarnikkullu naliliinerit*  
Soqanngilaq.

*Inatsisitigut tunngavissaq allakkallu tunngaviusumik uppernarsaatitallit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermi Ileqqoreqqusat.

*Ingerlariaqqinnissaq*

Piginnaatitsinermik agguataarinissamut pilersaarut akuersissutigineqareerpat, ingerlatsiviit aalajangiinissamut piginnaatitsinermik pilersaarutit siunissami agguataarneqarnissaat pillugu ilisimatinneqassapput.

**Aningaasaqarnermut Allatseqarfimmit oqaaseqaatit**  
Pingaaruteqanngilaq.

**Innuttaasunik peqataatitsineq/attaveqaqatigiinneq**  
Soqanngilaq

**Ingerlatsivinnit allaniit oqaaseqaatigineqartut**  
Oqaaseqaateqanngillat

**Ilanngussat**

1. Kommuneqarfik Sermersuumi Piginnaatitsinermik agguataarinissamut pilersaarutit nutartikkatut siunnersuut.

## **Punkt 6: Taasariaqartut allat**

### **Beslutning**

Kalaallisut sulianik saqqummiussaliat atuaruminaapput. Tukattumik pipallattumillu suliaasut takuneqarsinnaavoq.

## **Punkt 7: Lukket**

## **Punkt 07A: Lukket**

## **Punkt 07B: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 16:35